

入帑藏啓兮金帛廣儲
常平鎮城積紅腐而羨餘其歲月有會有計其參
考有籍有書庭無壅滯緊師帥之明健人耻闕訟
由易俗於恬愉其職供正取時運而益大府之用
其休聲美政時傳而達天子之都毓材養士有學
宮焉肄集有舍勸講有堂模範有師切偲有友升
降以齒而人遵長幼之序漸磨有素而俗安禮義
之守春秋祭饗多儀必舉由是習先王之典歲時
較藝工拙精分由是勵循循之誘故得圃澤之多
賢妹邦之君子楚材南金汝穎神錐鼓篋朋來袍
紛鷺集俎豆莘莘獻酬交錯歌唐誦虞泳仁蹈德
長者皆不厭不倦幼者亦克岐克嶷日就月將自
強不息人人號爲書淫處處稱其傳癖念夏侯拾
芥之言慕桓榮稽古之力杏壇茂蔭扇習習之清
飗泮水澄波漾明明之皓魄衣冠不特盛於鄒魯
斷斷豈專美於洙泗輔助文德有武備焉養以稍
食衣呂繒帛會呂什伍居呂營屯駐泊崇節龍山